

無棣縣志卷十

人物志一

名臣

唐

李愚字子晦爲人謹重寡言好學爲古文初任安陵主簿丁母憂解去後遊關中劉季述幽昭宗於東內愚以書說韓建使圖興復建不能用乃去之洛陽舉進士宏詞爲河南府參軍白馬之禍復去之山東梁末帝召拜左拾遺崇政殿直學士嘗長揖見衡王帝責之愚曰陛下以家人禮見拜之宜也臣於王無所私豈宜妄有所屈坐言事忤旨罷爲鄧州觀察判官唐莊宗滅梁拜主客郎中翰林學士魏王繼岌伐蜀辟愚都統判官蜀道險阻議者以爲宜緩師待變愚獨以王衍亂國之政其民厭之乘其無備不可緩也

無棣縣志

卷十

人物 名臣

一

山東商務印刷所印

乃倍道而進遂滅蜀明宗卽位累遷中書侍郎同平章事愚不治田宅借延賓館以居有疾明宗遣宦官往視見其敗氈敝席四壁蕭然命以供帳御物賜之廢帝立愚與劉昫共事議論不合遂相喧詬乃俱罷清泰三年以疾卒著有創業功臣傳五書白沙集祀鄉賢祠傳載唐書

宋

李之純字端伯熙寧三年登進士第爲度支判官廣西提點刑獄許彥先被誣受金命之純往究其端乃起於出婢之口之純以爲蕪俚之言不治彥先得免徙成都路轉運使成都歲發官米六千石損直與民言者謂惠民損上詔下其議之純曰蜀都人恃此爲生百年奈何一旦奪之事遂已元祐初召爲戶部侍郎三遷御史中丞建言朝廷事下六部不當隨吏胥顯處若大臣不暇省宜令

列曹長貳處分稟而後決又言董敦逸黃慶基論蘇軾蘇轍皆誣罔以疾改工部尙書紹聖中劉拯劾其阿附蘇轍出知單州卒年七十有五有奏議五卷文集二十卷傳載宋史

李之儀字端叔之純從弟熙寧六年進士登第幾三十年乃從蘇軾於定州幕府歷樞密院編修官通判原州元符中監內香藥庫御史石豫言其嘗從蘇軾辟不可以任京官詔勒停徽宗初提舉河東常平坐爲范純仁遺表作行狀編管太平遂居姑蘇久之徙唐州終朝請大夫之儀能爲文尤工尺牘蘇軾謂入刀筆三昧自號姑溪居士著有姑溪集行於世傳載宋史

元

高仁字壽之少以材推擇爲吏元兵南下署萬戶府知事從征安南討兩江羣蠻有勞受知丞相順德忠獻王丞相改涖江浙行中

無棣縣志

卷十

人物 名臣

一一

山東商務印刷所印

書省奏以爲檢校官遷左右司都事擢中書工部主事俄復入江浙行中書省爲左右司員外郎除江西行中書省理問興利去害績用尤著授吳江州知州訟簡役均州人立石紀遺愛遷嘉興路總管府治中時列郡方作祠奉帝師凡庀材用召匠傭一以令從事仁獨便宜諭浮屠氏白雲宗者併任其役官民不擾而祠事以備請悉蠲公田虛額而取他羨田補其入又以松江東鄉水利久廢田不宜稻請去故所賦米用土產菽粟代輸事皆施行兩郡之人莫不便之年七十以亞中大夫鎮江路總管致仕品第三爵渤海郡侯贈渤海郡公

王佐字孟輔永樂辛卯領鄉薦入太學擢吏科給事中奏對宏亮宣德元年陞行在戶部右侍郎宣宗平漢欲窮治黨與佐力解得免正統間累遷戶部尙書兼吏部十四年扈蹕土木歿於王事佐

儀表凝重器宇深厚自侍郎爲尙書在部二十餘年政有體要心無苛隘忠恕愛民得大臣體與人相接開心見誠坦然無疑晚嗜學問雖政務叢雜未嘗釋卷土木之役王振矯旨令本兵及佐隨老營佐竟日跪伏草中請回鑾爲振所遏亡何兵潰死之景泰元年追贈少保諡忠簡諭祭葬官其子震爲戶部主事祀鄉賢忠義祠明史有傳

王鴻緒明史藁爲侍郎以太倉臨清德州淮徐諸倉多積弊救佐巡視平江伯陳垣言漕卒十二萬人歲漕艱苦乞僉南方民如軍數更番轉運詔佐就隨及黃福議之佐還奏東南民力已困議遂寢英宗立出鎮河南疏言軍衛倉奸蠹百端請領於有司天下便之遷尙書時軍旅四出耗費動以鉅萬府庫空虛佐從容調劑節縮有方在戶部久不爲赫赫名而寬厚有度

劉昂字廷舉成化五年進士授工科給事中陟戶科都給事中簡靜剛直彈劾不避貴幸建言被嚴旨謫雲南姚州判官尋擢四川叙州府知府歲值荒歉勤於撫字丁外艱除服補陝西慶陽府澄無棣縣志

卷十

人物 名臣

三

山東商務印刷所印

叙官方惠政治於民去之日攀轅遮道陟浙江參政未任卒祀慶陽名宦祠天啓中從孫三顧宦於秦適慶陽展拜祠下葺其宇而去祀邑忠義孝弟祠

谷中虛字子聲弱冠中嘉靖甲辰進士授高陽令擢兵部主事出守山海關朝鮮入貢私餽一無所受歷陞潞安道副使陶真人恃上寵請建石橋於漳河上工部置簿遣真人門下道士募緣所在強索爲害中虛拘道士於橋所選官督理橋成民不加擾晉浙江參政轉按察使會臺省議減浙餉中虛曰食者民之命減則生變請汰老弱定營制卒有思鄉者厚賞而歸之都御史用其言公私稱便尋陞僉都御史巡撫四川討龍川司薛兆乾擒其首惡脅從罔治復相機宜弭後患賊黨悉平改撫湖廣奉詔平黃中僉議勦中虛獨主撫黃中感泣率其屬焚香羅拜全活數十萬嗣仍撫浙

創設外洋水兵戰船以備倭寇陞兵部侍郎署尙書事與政府不協遂乞歸有文集二卷奏議不存稿年六十一卒諭祭葬祀鄉賢忠義祠明史有傳

楊巍字伯謙嘉靖丁未進士爲武進令以最召補兵科給事中改吏科奏議多見採納出爲山西僉事主驛傳裁省羨金二萬兩歷陞巡撫陝西補戍兵六千益屯兵二千盡還軍地之奪於藩府者自陝移晉單騎行邊葺城堡裁冗費檄諭大盜李九經立散其衆入爲兵部右侍郎轉吏部王大臣之獄連及高拱巍力爭之事遂解尋擢吏部尙書晉太子太保乞歸再賜存問加柱國少保年九十二卒諭祭葬巍論學主明明德論時政主太學衍義撰有四書訓略近疏漫錄存家詩稿諸家抄詩選等書祀鄉賢祠明史有傳關揚字孝卿萬歷壬辰進士授大同縣令治行爲當時第一擢監察御史會星變上疏求修省指陳時政謬謬無少諱上覽之色動閣臣高淮稅遼東恣橫激民變逃歸不問揚疏求誅之出按金陵風清弊絕一以利民爲事卒於官俸薪所餘僅足備棺衾辦歸裝而已著有雲中治略並奏疏一册

劉三顧字泰徵昂從孫萬歷己酉舉人事繼母以孝聞初任滋陽教諭值白蓮煽亂協理城守事平移國子監學錄歷通州知州調邠州近城乏泉導渠水爲永利以學錄鐫級補雒川令雜收米布抵正供役官夫輓軍需不以勞民歷遷延安知府值亢旱民饑賑活者衆人有註誤令誅茅以代罰陞潼關兵備道改西延慶鳳四府監軍時李自成爲亂山陝日事戎行督軍血戰親入賊壘招降賊戴威信解甲革心三顧亢直任事與當事議不合被劾歸崇禎十二年清兵南略地三顧謂邑令曰城存與存人臣之職吾雖廢

斥願助公捍此城乃同邑紳高知微共守南門城陷不屈與長子汝礪俱死著有茹淡齋魯遊草爾亭詩祀鄉賢忠義祠

霑化李呈祥曰是時督撫大吏方以勳名自負智計捷疾沾沾自喜名為能拊循將士追擊餘賊公獨心憂之謂賊不盡禍不止兵聞拙速未覩巧久安用小廉小信取虛譽為每侃侃論辨無所却忌甚則厲聲變色指天矢日當事者不能堪遂被劾落職以歸公歸則寇勢益熾如火燎原延及海內馴致亂亡

清

李道昌字大來順治丙戌進士以賦詩稱旨擢監察御史道昌為遺腹子幼時嘗以父形容問母得其狀輒喜己而感泣不自勝方拜官而母又卒因自號匪莪念劬勞也服闋巡視北城出按河南時晉寇震鄰飭兵防禦有方略招安二千餘人流亡賴以復業奉檄還都註誤謫里居三年滿散自樂尋補臨洮府經歷陟大理寺副移寺正矢志寬慈重民命執筆署讞每慄慄矜慎大獄多所平

無棣縣志

卷十

人物 名臣

五

山東商務印刷所印

反年四十五無病而卒著有游屐草臨洮草祀鄉賢祠

桐鄉錢夏曰公美丰儀顧盼舉止奕奕動人性曠達善飲恢諧作詩高曠不問家人生產高嘯長吟揮墨淋漓龍蛇飛動見者有李青蓮之目

王清字素修號冰壺順治己丑進士選庶常累官刑部侍郎力杜告密之害定條例復舊章使比附之文莫滋其弊奸吏不能翫法轉吏部務持大體兩典會試俱稱得人總裁史館教習庶吉士年四十三卒賜祭葬著留餘堂詩文集祀鄉賢祠國史有傳

留餘堂銘云留有餘不盡之財以還百姓留有餘不盡之物留有餘不盡之智以還子孫集朝廷留有餘不盡之財以還百姓留有餘不盡之物留有餘不盡之智以還子孫集

張為仁字致堂順治乙未進士除內黃令治行為三輔最舉卓異第一擢中書舍人歷遷刑部郎中嘗有重囚八十餘人已擬辟為

仁引律例爭之得改正發遣爲京官十三年名譽藉甚甄別京察連書上考擢廣東按察司僉事提督學政務寬大不爲苛細與諸生約頒示六條大指以器識品誼爲主而文藝次之是科舉於鄉者率多首拔士以病乞休歸里遇父母諱日修祀事輒流涕極哀嘗謂孟氏謂失其身而能事其親者未之聞也欲報之德敬吾身而已著有四書隅說孝譜卒年六十六歲

吳自肅字在公康熙甲辰進士授江西萬載令值滇寇陷長沙袁州盜起士民洶懼集治前欲挾以降賊自肅叱曰爾等受國厚恩今若從逆事敗族矣聽令言母恐不則持令首去抵暮衆散狡黠者悉遁去先是棚民數萬戶爲弁將所激據三關叛及三關平衆無所歸自肅以解散爲要義白太守深然之弁將要殺不已復糾衆叛入瀏陽應滇寇未幾寇至萬防兵僅數十人度勢不支懷印

無棣縣志

卷十

人物 名臣

六

山東商務印刷所印

挾弓矢率家人突圍出馳入袁州太守壯之留與議守乃爲之區畫形勢治戰守具大兵至袁州獲全萬亦復乃歸萬綏輯凋殘民稍稍定簡壯丁三百名練習行陣賊陷上高勢將及萬同軍官陳素綸夜襲賊營賊驚潰高邨高城等處大小數十戰斬獲無算賊由是憚萬僞將軍夏國相啖以百計自肅縛使獻其書上嘉曰忠貞事平民有陷於迫脅者力爭活之內擢中書舍人陞戶部主事歷遷刑部郎中奉命視學滇南時兵氛初靖士氣未復誘掖栽培鄉試獲雋者皆其優拔士報滿留修滇志一時推爲燕許復命回籍終養丁丑山西有張化金之變值服闋持簡河東監司單騎入賊窟諭以順逆賊皆請降蒲州有水患親度原隰相其勢而蓄洩之民田數百頃皆爲膏腴修文廟創立書院人才多所造就以老告歸卒年八十三著萬行草我堂存稿祀萬載雲南河東名宦祠

萬載縣志良牧傳人心風鶴事勢洵湧公與僚屬紳士以忠節相告
變長沙失守維時人心風鶴事勢洵湧公與僚屬紳士以忠節相告
砥礪以故變亂雖頻無有陷於不義者會有人持札至公即將
偽札出首朝議雖頻無有陷於不義者會有人持札至公即將
公代庖公到袁凡一應軍需無不力辦李公慰勞之敢言袁臨公
幾擊肘矣公曰某既以身許國死且不避何勞之敢言袁臨公
趙威鎮一毅然曰主上動洪福吳師必不違袁縱有是事堅兵固守
允公獨毅然曰主上動洪福吳師必不違袁縱有是事堅兵固守
其懈擊之則後民可潰也若勞民動衆萬邑殘黎斷難從命事遂
寢萬遭兩陷後民可潰也若勞民動衆萬邑殘黎斷難從命事遂
欲泣又領教二字其強項爲民大都類此世變稍寧即詳致郡守願
公批有領教二字其強項爲民大都類此世變稍寧即詳致郡守願
藝論中文常至夜分不寐至若鋤奸植良更多快舉且狀貌魁梧談
兵多中諸弁以公文職忌其越俎聞者莫不惜之陸任之日士民
共建講堂門人王尙選題扁曰南
棠峴石亦因邑人之愛戴故云

吳紹詩字一南自肅孫雍正時以世父象寬薦授七品小京官陞
刑部主事員外郎郎中除知陝西鞏昌府擢西安糧道以事罷官
再起貴州糧驛道洊擢雲南按察使甘肅布政使以內憂歸免喪
入覲授刑部侍郎簡江西巡撫入爲刑部尙書轉禮部未上以事
無棣縣志

卷十 人物 名臣 七 山東商務印刷所印

聖吏議奪職復起爲郎中陞侍郎慈寧萬壽列香山九老賜杖賜
宴圖形禁中尋以老致仕其在鞏昌爲興書院樸俗以化歲旱乏
糧奉檄賑卹發俸鏹給衣袴買牛隻給災戶資春耕在西安修富
平渠紕豪右專利者沃漑數百頃在雲南甘肅求利害廢置所宜
除建甚衆撫江西時賑恤水災弛屯租浮額之征上猶縣山場鐵
沙礙民田奏請募民淘取設場收買所至歷著聲績紹詩早隨世
父任習吏事及歷刑部久益精練考定新舊法式具爲規條子壇
由布政使擢刑部右侍郎紹詩方貳刑部上特遷紹詩吏部父子
相代佐司寇當世榮之乾隆四十一年三月於德州迎鑾加尙書
銜卒賜葬祭諡恭定國史有傳子垣壇

年譜丁巳歲在律例館備修名例二卷名例爲律例全書之綱領
講讀律令之門徑稍有歧誤全旨皆失余詳參箋釋輯註及有
律例諸書悉心考證綱舉目張經歲竣事總裁諸公及諸同事咸
以爲允孫擴圖觀察李瑛傳其守廣信也郡南有封禁山自明末

禁人者以叛論居民利其木犯者漸衆與官拒有司以告曰茲事大乃親往捕其魁數人而止招其黨諭以利害免者二百餘人以其事曰某以鄉愚未識例禁殊可憫且拒捕無傷對恭定曰汝意云何對曰某以鄉愚未識例禁殊可憫且拒捕無傷對恭定曰汝意云大喜曰吾恐汝爲功耳吾寧獨欲殺人者乃以誤入奏僅坐流恭定自是重之凡豫章大獄必命訊鞫卒子幼且貧恭定厚卹之送其孥云云公乞養歸田關西爽山莊與父老課晴雨話桑麻未嘗及朝事人皆忘其爲達官居里第每聞邑侯鳴鉦過門必起立邑侯知之後出南門不鳴鉦有祠堂在南門外新建曹秀先書聯云古大臣朝陽鳴鳳鄉先生林下一人

吳垣字樹堂紹詩子乾隆壬申舉人以同知揀發四川歷任寧遠通判成都石碯同知簡州知州所至皆著能聲年已五十始入爲刑部郎中父紹詩貳秋官諭毋庸迴避改選曹補御史晉給諫洊升吏部右侍郎出爲廣西巡撫廣西境臨交陟俗樸少文垣以鎮靜安土司以文教易邊俗吏帖民熙調撫湖北夙知江漢隄工關民利害奏言以水挾沙勢易停淤民於積淤處占業積久必潰人咸服其先見值歲旱成災發廩濟饑招商轉運復奏撥鄰省銀三萬無棣縣志

卷十

人物 名臣

八

山東商務印刷所印

百萬餘兩以資賑卹率僚屬捐俸勸富姓輸資設廠煮粥全活無算以積勞卒於任國史有傳

家訓紀聞公操持堅定雖細必謹有朝貴某索食於公曰聞君家某味最嘉公笑曰唯唯一日索食如前又笑曰唯唯而卒未致饋及朝貴以事逮治同僚多有欲張燈戲者燈皆裂帛爲之公命買性儉約撫湖北時聞僚屬有欲張燈戲者燈皆裂帛爲之公命買紙燈懸於庭其人愧遂輟燈戲吳式羣誌

吳壇字紫庭紹詩子嗣紹謨後乾隆辛巳進士授刑部主事歷員外郎擢江蘇按察使吳郡素稱劇要民龐吏猾案多疑竇壇虛衷聽勘多所平反晉布政使請豁遠年民欠清理歷任塵牘各屬偶被災視親赴履勘分別議賑議蠲以甦民困沿海塘工虞衝墊出新意創建玲瓏壩俾居民足資捍衛內擢刑部侍郎以牽連繫諸室者匝月復起爲刑曹郎接丁內外艱服闋補原官出任江南河庫道甫一月擢江蘇布政使適值歲歉示禁囤積勸諭富民出米

平糶市價頓平授江蘇巡撫奏免公田積欠租糧添設京口救生船並議開秦淮下流及沿海支河俾農田收灌溉之益旋以積勞成病卒於官壇熟諳刑律手纂律例通考一書自三代漢唐以洎於清凡有關法律之書廣爲搜輯貫以己意著有論斷編數十年而始成云國史有傳子之勩

遺事一則在刑曹日有婦訟其後夫因口角抱其前夫之女出外數日不歸者其後夫旋自投到擬略訊即可釋責婦曰看汝如此邪氣卽在前夫家中亦決非好人婦供前夫乃是病終並無緣故公以其語有因悉心推鞠得其前夫乃宣化人在京貿易伊因與里某通姦夫適歸遂與姦夫謀殺之匿其屍託言夫久不歸與同鄉某通姦夫適歸遂與姦夫謀殺之匿其屍託言夫久不歸與同鄉某通姦夫適歸遂與姦夫謀殺之匿其屍託言夫久不歸與同

屍尙未壞並鞠訊姦夫與婦論如律

張鎮字東侯可舉子監生以州同揀發直隸河工著有勞績授玉田知縣邑旗民錯處號難治鎮嚴明果斷一無所徇疑難大獄數言中其竅要廉其跳梁者置諸法旗民悅服丁外艱服闋授山西

無棣縣志

卷十

人物 名臣

九

山東商務印書館所印

長子調介休數月囹圄空虛陞解州授浙江嘉興知府調杭州立條教下所屬皆簡易可法案無留牘旋被命守潭州奸民盧茂以左道惑衆叛攻潭浦城檄環潭浦各縣辦嚴率丁壯僅二百人入城誦知賊多潛伏城中搜斬無遺籍士民登陴固守賊來攻擊敗之去日賊徒尙衆緩則復發及其崩離巢穴可掃也率衆窮搜巖谷茂被獲凡三旬而賊平陞興泉道調汀漳道擢福建按察使明慎用刑有棄官易殺人難之語故臺灣令曾曰琇逆匪黃教反時以擅動倉庫論大辟請於制府原其罪不許鎮曰當圍守時軍民無食何以給變起倉猝而猶繩以成例誰敢爲朝廷任事者某爲執法官苟獲徇庇咎願獨受之遂得末減由是剛直聲震閩中三年入覲擢河南布政使有疾歎曰旬宣任重豈人臣養病地乎以病告既得請旋卒於署年七十四祀浙江名宦祠

杭州府名宦誌乾隆壬午乙酉兩由嘉興調知杭州府是時海寧海塘柴石兼施公督修甚力次第竣工竣而皆以他事罣誤去在位強幹有為獄無遁情其有罔識輕重自蹈重罪者必平反之曰吾敢緝法滅之耶民愚如盲者墜溝中一拯之耳前後澄任不及三載而言能吏者推焉

張映漢號筠圃鍵子乾隆甲辰進士由戶部主事陞郎中總辦現審處有在旗要人謀奪民產映漢訊明斷歸業主總理欲右之執不可三呈稿不畫諾間日仍以原稿上卒得行總理轉禮重之補衡永道以文闡失察去職值川楚教匪不靖制軍委辦軍需支應無誤簡湖北糧道洊陞至巡撫時林逆殄滅楚北教匪以脅誘被逮者數百人迺詳為審訊概請免罪民心帖然旋授湖廣總督德威並著道光改元內任刑部侍郎調倉場戶部侍郎挂吏議罷歸自任封疆幾二十年功顯於朝澤被於野罷官後室無長物惟賜書數百卷而已輯讀詩類編十八卷著毛詩匯參十二卷毛詩韻無棣縣志卷十 人物 名臣 十 山東商務印刷所印

考八卷韻學弟子訓四卷奏疏三十卷詩稿若干卷卒於家壽七十八國史有傳

家傳教匪殄滅之後奉旨查拏夥犯地方官多辦理不善乃出示曉諭令將經卷圖像送官自首奏請免罪又有傳習清淨門大乘天主等教拏獲數百人虛衷鞠訊皆良民被愚惑者只將各為首置於法餘奏請免罪活人無算有各省教案皆照此辦之論在湖北久攤賠虧空無着銀兩奏請以應得養廉輪公自奉儉約不形支絀入覲有汝之操守朕所素知聞汝辦公頗拮据汝宜勉力行

當施恩之諭旋簡授湖廣總督

張映璣字璿之號穆菴鎮子幼隨父潭州任潭浦盧茂之變鎮聞報往勦辦郡城官吏皇皇邑令某就商防守策映璣曰恐匪人乘間煽動不如以盧茂已擒餘黨已散安民心令稱善徧示四鄉民果安堵援例授刑部員外郎升郎中擢知湖北宜昌府山川險深鄰境逋逃為奸獲巨魁置諸法境內肅然江灘向設救溺船胥役舞弊遇失事輒竊盜勒索映璣往勸懲奸胥選良善積弊一清升

溫處道所屬石板店有海盜竊發聞報馳往盜已潛港忿因單騎偕令往覘令駭甚既還謂之曰單騎往者俾知我非搜捕必不抗拒且得悉其道路已而設計諸盜就擒僚屬始服其膽識調糧儲道烏程縣民因征漕聚眾毆胥役親往察辦守令倉皇不知所出映璣謂之曰人勢方張激則變成汝先懲奸胥以安人心徐將刁民首從偵探捕獲置之法不十日而獄成先是上官囑抵郡摘烏程令印案既定謂亂自下作若罪令授權於民礙政體上官服其有識升鹽運使兩署藩司七臬署司平情定讞一如任秋曹時外任二十年以勤慎結主知察辦烏程案有地方要案當以此爲法之諭鹽政常公陸辭日有浙江運使人好公事可商辦之諭因病回籍卒於家年七十

黃小松跋兩張公葬鄧宗伯文後鄧宗伯視學浙江拔士最盛儒林懷德乃後賢清睿馬鬣未封觀察穆菴張公爲宗伯鄉人太守

無棣縣志 卷十 人物 名臣 十一 山東商務印刷所印

任齋張公亦浙中名士追念前賢助葬恤後復乞文紀美傳示藝林兩公高誼皆足千秋云載秋蠡遺稿

張映蛟字怡菴鍵子乾隆己酉拔貢甲寅恩科舉人任諸城教諭俸滿以知縣用援例爲同知攝岳州永州各府篆守永州時江華縣有會匪積爲民害親督縣令率民役擣其巢獲首惡餘黨悉散承審長沙積案數百起皆得其平沅陵縣山中產金奸民私挖聚亡命數萬人拒毆兵役官不能禁映蛟奉委往勘獲爲首數人拘之歸其眾持械來追勢洶洶映蛟出坐船頭反復開導曉以利害眾悟遂散升辰沅永靖道整屯田訓練勇庶政一新致仕後周卹戚族矜式閭閻耆德碩望無賢愚皆景仰之其家訓曰居心公待人恕甘虧損遠便宜孝弟是根本信義爲綱紀乾以惕无咎震以恐致福敬之一字服膺終身著桃塢隨筆卒年八十四鄉諡文靖祀鄉賢祠

吳之勳字淦崖壇子乾隆己亥舉人由教習授知縣分直隸署武邑補昌黎調清苑改天津河防同知升湖北黃州知府安襄鄖荆道諳習吏治歷官十餘任以興學校恤民隱為先攝武邑值水災策騎履勘終日泥淖中五百餘村周歷一徧捐廉購米六百石設粥廠賑饑民紳士聞而踴躍捐千石全活無算宰清苑於農田水利地方利病剴切上陳皆蒙採納見諸施行任同知五年大吏知其能讞獄凡重案疑獄檄委不絕時畿輔水大漲津門勢處下游惟芥園單隄一線危若累卵道府以防堵事屬之乃親駐工所督率員弁搶護三十餘日未嘗休沐狂風驟雨隄勢撼搖弁役皆欲逃散之勳晝夜坐隄上屹然不動卒得保全守黃十六年度要扼設塘汛添快船巡緝奸宄沿江居民賴以安堵添巡檢裁司獄議准照行捐廉增書院房屋添膏火延名師捐書籍得科名者接踵

無棣縣志

卷十

人物 名臣

十一

山東商務印書館所印

起復籌經費修郡城葺祠宇繕治一新城南距大江數里夏秋常苦沮洳為築甬道夾植楊柳人稱吳公堤年逾七旬解組歸又數年沒著叶夢樓詩贖

梅成棟記淦崖吳公防水一則嘉慶六年辛酉夏畿輔大水霖雨昆明池決平地深數丈漂沒數十州縣直趨津門環津西北面為南運河保障郡城賴芥園一堤六月廿一日南北兩運河浮屍魚貫下喧言水至次日登城見西北數十里外白氣亘天銀線滾地而來星飛電激已至城下廬舍村墟倏忽煙滅難入城男婦無慮數萬露宿城頭皆滿官施蘆席蔽之西南面沒二丈餘水激罅漏射出如龍土人鳴鑼聚眾爭勇堵塞一夜數圍儲士數十萬石加來也窺勢急募人夫數百名持畚鍤赴芥園儲士數十萬石加堤增厚尺餘築一如石雨風大作水如牛鳴於城外眾懼沒復堤與水相接僅隔尺餘築一如石雨風大作水如牛鳴於城外眾懼沒復堤與水息搖振矣公在堤上斫茅雜泥礮護堤旁誓堤亡亦亡已而雨息賴以安又數日水陡落官民歡忭公牲謝神蓋僵立於洪濤驟雨驚心喪魄之際者已二五晝夜矣天麻神助拯此奇災夫豈偶然當危急呼郡勒銘第恐日久而湮故筆之以示勿忘

王惟誠字孚遠號逸齋清七世孫以拔貢授銓曹中嘉慶戊辰鄉

魁歷升至郎官在部十九年未嘗稍干吏議遇事侃侃辨論雖長官不爲屈不察察爲明而執法之吏不敢因緣爲奸曾却某守謝儀嚴拒商人以巨金關說公事一時廉正之名大著京察一等任松江守下車卽汰鹽務陋規嚴飭各屬漕務認真收解勿許浮濫終任闔郡無控漕之案江南頌廉明焉晉福建糧道以父憂去職補浙江溫處道所至多政聲秉滇臬四載獄多平反有活佛之稱開藩廣西不避嫌怨力改佐貳越次陞署之習內擢問卿以請養繼母解組歸侍養十三年卒於家年八十一

王惟詢號小華惟誠弟嘉慶丁卯鄉薦第一辛未成進士由詞林充丙子戊寅順天同考官道光辛巳典試貴州才明敏而性謙退有知人之哲而口不置可否轉右贊善出守建寧以講學興士爲治閩中稱賢守焉擢江西糧道轉兩浙運使未抵任授湖北臬使

無棣縣志 卷十 人物 名臣 十三 山東商務印書館所印

調浙江德清徐蔡氏命案屢檢獄未成承上命往鞫之甫抵任卽遣人密防悉得其情急思平反而巡撫及原檢各官力持不可恚甚曰此冤獄也不平反安用臬司爲體素弱恒苦痰咯盛夏心傷遽卒年四十有三巡撫上其事宣廟震怒命大臣馳驛往讞悉如惟詢議巡撫以下褫謫有差

魏元煊王君小華傳略德清徐氏富室也妾倪有憾於主人之姪婦搯其吭立斃婦蔡氏其族鳴於官邑宰黃謂自縊不往驗控於道府委鄰縣令馬往檢之馬主前說獄幾定矣蔡之族有客京師者主某御史家馳書訴其冤御史以聞上使君佐撫臣治之署撫黃意存兩可闕中作何培以更事聞取下士詣德清密訪悉得其搯死狀聞何培言益往見黃備陳其事而黃遲疑不以爲然說益拙於口不能塞羣噪往見黃備陳其事而黃遲疑不以爲然說益詳猶未能決君甚憂憤傷心卒於官署撫臣上其事並經蘇門侍御具實劾奏上震怒命工部侍郎程代浙撫嚴鞠之案未成復命吏部侍郎王省崖先生往讞悉得其情抵倪於法並陳君之卒實因各部官謬執己見有以釀成羣官威褫職遣戍有差論曰死生之際所生不鉅矣死死無所補生或有義篤而權不專屬事出萬難憂

鬱以終卒仲其志則其死亦可無憾矣

吳式敏字平山侍曾子性敏慧筆墨異凡尤工楷法嘉慶庚辰進士改庶吉士授編修道光乙酉分校順天鄉試戊子典山西鄉試所得多知名士改御史晉給事中授湖北施南府知府大吏知其才委署武昌府百務紛集處之裕如升甘肅鞏秦階道調湖北安襄鄖荆道甫逾服政之年遽以疾歿論者惜之

吳式芬字子苾之勤孫道光乙未進士由翰林院編修簡放江西南昌遺缺府補南安時粵東用兵轉輸軍餉以南安為後路措置裕如不擾民而供億無誤以是為大吏所賞復於南安城外捐廉置義山以葬多年停柩民甚德之旋擢廣西右江道署按察使案必親鞫務覈其實未幾升河南臬司晉直隸藩司調貴州復調陝西粵匪逆燄大張派兵防堵潼關等隘口盤查奸細籌餉濟軍勾

無棣縣志

卷十

人物 名臣

十四

山東商務印書館印

稽簿書巨細無遺以倡捐軍餉賞戴花翎內授鴻臚寺卿提督浙江學政遷內閣學士兼禮部侍郎銜出試嚴溫兩府賊氛逼近一以鎮靜處之人心以安任一載以病歸抵里數月卒年六十一生平好金石學凡鼎彝碑碣漢甗唐鏡之文皆拓本藏於家著有攬古錄攬古錄金文金石彙目分編雙虞壺齋藏器目印譜八種日記封泥考略補續彙刻書目唐宋元明人摘句綴錦集陶嘉書屋詩賦稿等書國史有傳

家傳公性和易無疾言遠色與人交相規以道義善鼓琴每訪山川名勝必攜以自隨雖處貴顯其意泊如也李佐賢曰君鮮榮利之好而深翰墨之緣於金石書畫尤為篤嗜所著齋古錄鐘鼎碑版文字搜羅靡遺蓋自歐趙著錄以迄今日考據家無如是之詳盡該博者洵堪信今傳後無疑也古詩氣清筆健灑脫自喜神似坡公律詩亦工力悉敵

張衍重字子威映蛟孫道光辛丑進士改庶吉士授檢討壬子典貴州鄉試簡放福建汀州知府到閩值興化被圍奉檄赴軍即日

行距二十里衆觀望不前衍重曰吾初到賊未知虛實宜張吾軍而進賊果稍退入城周視城垣修其殘破伐城下樹木絕其攀援製木椎擊上城賊賊技窮遁歸仙遊檄署府事防堵嚴密賊不敢窺設法收復仙遊巡撫被阻外郡至是始得旋省甫回本任適聞父病遂乞終養大吏挽留不可乃委赴天津交米藉可歸省抵家父已愈乃赴津差竣次年仍飭在津接辦事未畢丁父憂服闋授江西饒州知府饒與皖賊逼近防勇雲集由府籌餉無少誤徽州爲賊往來要道實江右安危所繫適大營餉缺岌岌可危衍重借饒防兵餉萬兩接濟之未幾粵匪由南贛撲饒州調勇赴湖口防堵布置周密賊知有備遂引去是時統兵大臣均器重之謂非近今大吏所及丁內艱歸旋卒

張守岱字奉山道光乙巳進士由編修歷御史給事中任陝西陝

無棣縣志

卷十

人物 名臣

十五

山東商務印書館所印

安道駐漢中奉命辦防治軍械修城池巡視南山諸要隘防範周密同治壬戌川匪陷陽平關急帶練勇馳往至沔遇賊督師與戰殺賊多名賊知無後應轉驟進練勇潰收斬數人以徇次日復調各隘防兵及沔縣練勇出隊迎擊親冒矢石賊敗退躡踪追剿大小十餘戰賊堅壁不出曰此必有詐偃旗息鼓以待之夜果至見有備驟退率衆追殺竄入南山中旣而川匪大至西鄉洋縣相繼淪陷會藩司某督辦漢南軍務約戰守分任因回漢中籌欸籌防晝夜圖維不遑寢食十月賊渡漢江撲郡城水濡絮被蒙首登城城上木石齊下斃賊無算癸亥二月大股匪數十萬薄城下勢益危賊爲地道攻城城中亦掘土濠以禦之惟一隅被轟陷急加修葺賊不得入退數里四面紮營爲久困計募勇士乞師截賊營不得出固守三月以積勞卒於軍秦撫奏聞恩加光祿寺卿銜蔭一

子入監讀書至秋八月郡城失陷妻妾並幼子二人均殉難長子樹楨由進士官知縣

吳重熹字仲飴式芬子同治壬戌舉人援例授工部郎中擢知河南陳州府慎於折獄尤以振興文學爲先務修聖廟建設崇經義塾鄭州決河水至府西數里鳩集民夫分段修堤捍禦設粥廠救活災民無算調開封審結全省重案無枉無縱滎澤保和寨民工出險冒雨搶護立泥淖中經兩晝夜而工固擢江南江安糧道光緒庚子拳匪亂中外失和兩宮幸西安江督委赴行在呈進方物歷陞福建按察使江寧直隸布政使護理直隸總督北洋大臣充駐滬會辦電政大臣改倉場侍郎受命巡撫江西時有教案未了繼以萍鄉匪亂部署甫定內陞郵傳部侍郎簡授河南巡撫歷官中外四十餘年不赫赫爲名竭誠秉公政簡而事治故以謹慎受

無棣縣志

卷十

人物 名臣

十六

山東商務印書館所印

知遇典任封疆官守其法民安其治解任歸寓津門民國紀年閉門謝客絕口不言時事編輯吳氏文存詩存世德錄皆梓行著石蓮閣詩文集詞集及奏議各若干卷卒年八十有一

吳岫字庾生式芬孫咸豐己未年甫逾冠鄉試中副車辛酉捷順天闈胞叔重熹年相若自幼同硯下第一病幾殆岫割股和藥進竟得起乙丑成進士以主事分禮部丁內外艱服闋回部己卯典山西鄉試升員外郎中改御史掌湖廣道性亢直遇事敢言陳提督國瑞歿於貶所爲疏請歸葬黃河連年決口當事議挑鬲津河上游殺水勢奏陳水流不宜北趨恐爲害畿輔皆報可章凡數上指切時政卒以獲譴降國子監學正解組歸年未五旬也抵里後凡地方要政如修城垣新書院增膏火無不苦心經營惟欵項奇絀查海口多商務易籌辦不憚數百里往見海關道反覆開陳俱

如所議乃次第興辦歿後邑人思其德公議諡曰貞惠

吳封字滇生重熹子監生援例報捐同知深沉果毅能治劇充東河河防局提調兼管工款入廳公所總辦等差伏秋大汛甯墊稽科之役皆認真鉤稽務從覈實以勞績超擢郡守晉銜都轉丁內艱歸服闋以道員指分河南到省充辦保甲局務籌畫改設警察事宜督率員司編定章制又綠營改編承辦稽查常備軍營務處與前常備軍翼長袁清泉聯絡化除畛域軍紀爲之一肅總辦武備學堂河南陸軍督練公所兵備處光緒丙午四省會操由練兵處派充綜理司綜理馳驅直汴之間夏雨溽暑單騎行泥淖中往往沒膝有旨嘉獎補授河南南汝光道秋操竣事始蒞任未幾而鷄公山交涉之案作先是國家定制外國商人不得在內地置產雞公山附近居民有私售山地於洋商者乃援例力爭追還佔地

無棣縣志

卷十

人物 名臣

十七

山東商務印書館所印

方爭執時或謂稍事退讓即可轉圜對曰官守有責尺地寸土何敢輕棄卒使外人就範而後已父重熹撫河南調補江南江安糧道矯除飛灑諸弊署兩淮鹽運使引疾歸民國紀年遂不仕

張印塘字兩樵嘉慶己卯舉人以知縣分發浙江歷建德桐廬等縣有惠政署仁和縣會中英失和大兵駐江上獨持以鎮靜民情安輯升知府署杭州嘉興有倪錫林者杭漕徙市據險戕兵秀水令密白撫臣曰若張守至無煩兵矣撫臣夙器之委署嘉興倪謀待石門征漕時挾衆爲變廉知之命縣如期征果連綜入城盡驅納糧小舟去要諸路收倪置之法具發州縣漕征陋規上之撫憲盡汰之嘉湖嚴紹大水督災賑計口授食全活數十萬以卓異荐宣宗召見詢夷務奏對稱旨擢安徽秦廣寧池兵備道道筦蕪湖關覈剔宿弊稅增而吏省咸豐元年晉雲南按察使撫臣留辦安

徽防務時粵匪烽及湖北因請調兵籌餉練勇扼要撫臣嘉納之
補安徽按察使兵少與合肥相公鄉兵相犄角以遏賊衝後江公
忠源來撫徽乃守嘉興時秀水令也與之同心協規未幾廬州陷
撫臣殉於難尋因與上官積忤亦告疾解兵歸道出徽州賊大至
士民遮馬首請留乃為城守逾月賊解去以疾卒於徽州舟中祀

杭州名宦祠

改籍豐潤縣

無棣縣志

卷十

人物 名臣

十八

山東商務印刷所印



第十卷終